


مكتوبلى أعيش

مكتوبلى أعيش فى هوايا حبك
مكتوبلى أعيش واوفى بوعدك
مكتوبلى أكون رجال فى الكون
وأحط رحالى على باب قلبك
مكتوبلى أعيش. مكتوبلى أعيش.



مكتوبة يا نجمة فى سمايا
مكتوبة يا عايشة جوايا
مكتوبة يا حبى يا منايا
مكتوبة يا سعدى يا هنايا
مكتوبلى أعيش ... مكتوبلى أعيش.



اطلبى يا حبيبتى وإتمنى
واسكنى فى عيونى وإتهنى
بنادى عليكى وبغنى
تعالى فى حضنى ميلى وحنى.



ده أنا شوقى سواح فى الدنيا غريب
ما بيعرف غيرك إنتى حبيب
وإن كانت الفرحة عنى تغيب
ما بلاقى أقرب من قلبك
ما بلاقى أصفى من ودك
ما بلاقى أدفا من حبك
مكتوبلى أعيش.. مكتوبلى أعيش.